

რედაქცია: სოლოლაკზე, ბაღის ქუჩაზე, მ. შაინოვის სახლში, № 33.

ხელის-მოწერა მიიღება რედაქციაში. ბაჭყალი მცხოვრებთათვის: Вѣдѣлнѣ. Въ редакціи „Дრობა“.

გაზეთის ფასი: მთელი წლი-სა—8 მ., ნახევარ წლისა—5 მ., სამისთვის—3 მ., ერთისთვის—1 მ.

ცალკე ნომერი ღირს შაურად.

# დროება

სოფელ დეო მარაბათის ბარდა

ფასი განცხადებისა: დღეობისთვის ასობე 1 კაპ., ჩვეულებრივად ცეროთი—5 კაპ.

რედაქციას უფლება აქვს გაასწოროს და შეაწილოს დასაბეჭდათ გამოცხადებულ სტატიებს. მისი ბეჭდული სტატიები ავტორს არ დაბრუნდება.

ცალკე ნომერი ღირს შაურად.

## ტელეგრაფები

(ხალხთა-შორის ტელეგრაფის სააგენტოსი)

**პარიში, 22 ოქტომბერს.** სტამბოლიდან მოვიდა ამბავი, რომ ოსმალეთისა და ინგლისის მმართველობას შუა ამ უკანასკნელ დროს დიდი უკმაყოფილება ჩამოვარდა. ინგლისმა მოსთხოვა პორტს დაუყოვნებლივ შემოიღოს რეფორმები მცირე აზიაში. ამბობენ, თუ ხონთქართმა ამასვე უარი განაცხადა, ამ შემთხვევაში ის გადაყენებული იქნება და ოსმალეთის ტახტზე იმის მაგივრად იმის ძმას რაშიდ-შაჰის აიყვანენ და აპეტუნათაც ინგლისი იქნება.

**ბუღონი, 19 ოქტომბერს.** რუსეთის ტახტის მემკვიდრე ცესარევიჩმა და იმის მეუღლემ დაათვალიერეს აქაურ ნავთსადგურში რუსის კრესერო „პეტერბურლი“ და გამოუცხადეს თავის კმაყოფილება ამ ხომალდის კამანდირსა.

**სოქია, 21 ოქტომბერს.** ღღეს გაიხსნა აქ ბოლგარის ხალხის წარმომადგენელთა პალატა და ამ დროს ბოლგარის მთავარმა წარმოსთქვა სიტყვა, რომელშიაც თავის მხრითა და მთელი ხალხის მხრით დიდი მადლობა და პატივისცემა გამოუცხადა რუსეთის იმპერატორს - განმათავისუფლებელს; მთავარმა სთქვა ამასთანავე, რომ ბოლგარიას ამ ჟამად ყველა უცხო სახელმწიფოებთან კეთილი განწყობილება აქვს.

**სტამბოლი, 22 ოქტომბერს.** ოსმალეთის სამინისტრომ ჰკითხა ინგლისის ელჩს ლეიარდს — თუ რა განზრახვით მოვიდა ჩვენს ზღვაში ინგლისის ესკადრა (სამხადრო ხომალდები). ლეიარდმა ოფიციალურად უპასუხა ამ კითხვაზე, რომ ინგლისის ესკადრა ჯერაჯერობით დარჩება მარში, მაგრამ შემდეგ შეიძლება სხვა ადგილას წავიდეს, რადგან ინგლისის ვერ შეუძლიან მოითმინოს მცირე აზიის ქრისტიანების დაჩაგრვა მამადიანებისაგან და ყოველ ღონისძიებას იხმარს, რომ ოსმალეთის მთავრობამ რეფორმები შემოიღოს მცირე აზიაში.

**კეტიკბურლის ბირჟა, 22 ოქტომბერს.**  
(ხალხთა-შორის ტელეგრაფის სააგენტოსი)  
ბანკის ბილეთები: 85. კაპ.  
პირველი გამოცემის — 94. — „

მეორე — — —	93—37
მესამე — — —	93—50
მეოთხე — — —	92—87
აღმოსავლეთის პირ. —	90—75
აღმოსავლეთის მეორე —	90—75
აღმოსავლეთის, მესამე —	—
ოქრო, 1/2 იმპერიალი —	7—78
გირაოს ფურცელი —	—
შინაგანი 5% სესხის ბილეთები	—

პირველი სესხის — —	231—
მეორე სესხის — —	224—75

1 მანეთი ღირს:

ლონდონი — —	25—37	პენსი
ბამბურლი — —	216—50	ცენტი
პარიჟი — — —	269—	სანტიმი
ვენა — — —	129—	ჰფენიგი
ბაგასიის კერასინი — —	—	—

## საქართველო

### კიდევ სიძვირის გამო

ამ სამთარში სიძვირესა და შიმშილს მოველით. ჯერ ახლა, ახალი მოსავლის შემდეგაც, ფუთი ფქვილი ქალაქში ორ მანეთ ნახევრად და მეტათაც ისყიდება; რაღას უნდა მოველოდეთ სამთარში და გაზაფხულზე! ჯერ ახლა ქვეყანა სიღვივს, რომ ყოველ გვარი ხორაგი, საჭმელსამელი, სადგამი, საცმელი და სხვა ყველაფერი მამასისხლად შეიქნა და შემდეგში რაღა მოგველის!

როგორც ყოველთვის ამ გვარ შემთხვევაში, ამ სიძვირესა, შიმშილსა და სიცივეს ყველაზე უფრო ღარიბი ხალხი იგრძნობს. მდიდარს რა უნდა? ის ერთი-ორათაც, ერთი-სამათაც შეიძლება ყველაფრის ყიდვას და შეძენას, და თუ გაუჭირდა, ისევ იმავე ღარიბის კისრიდამ ამოიღებს... იკითხოს ღარიბმა, შეუძლომ, დღე-დღეზე მუშაობით მცხოვრებმა ხალხმა..

ქალაქის თვით-მმართველობის ეალია რომ ამ გაჭირებაში იფიქროს რამე, მონახოს ღონისძიება და დაეხმაროს ხალხს. მართალია, ჩვენი ქალაქის ხაზინა, საუბედუროთ, იმდენად მდიდარი არ არის, რომ იმას შეეძლოს, ესთქვათ, დიდძალი პურის ყიდვა და მუქთად დარიგება ღარიბ ხალხისათვის. მაგრამ ეს საქროც

არ არის. ამ შემთხვევაში ჩვენი ქალაქის მმართველობას შეუძლია სწორეთ ისე მოიქცეს, როგორც მოიქცა სოფ. საგარეჯოს სოფლის საზოგადოების მოწინავე კაცები: ამათ სთხოვეს მთავრობას რამდენიმე ათასი ფუთი პური სესხათ იმ პირობით, რომ ფუთს შეიღ აბაზზე ზევით არ გაჰყიდდნენ სოფლის ხალხზე და შემოსულ ფუთს მისცემდნენ მთავრობას. მთავრობამ მიიღო მხედველობაში გაჭირებული მდგომარეობა ხსენებული სოფლის ხალხისა, შეისმინა იმათი დანდობილი კაცების თხოვნა და მართლაც ასესხა პური შემომოყვანილის პირობით, და როგორც ჩვენ შევიტყუეთ, ეს პური უკვე წაუღია სოფელს და ისყიდება ხალხზედამ. ამ ნაირად, სოფელს ამ სამთარში შიმშილის შიში აღარა აქვს და ეს დროებით ხელის-მომართვა მმართველობისაგან, უეჭველია, ბევრი უბედურებისაგან და ვაჭრების ურიულ ვალებისაგან გადაარჩენს იქაურ ხალხს.


ჩვენ არა გვგონია, ქალაქის ბამგეობამ რომ ეს საქმე ითავოს და სთხოვოს მთავრობას ამგვარი შემწეობა, უარი მიიღოს; ხაზინა ყოველთვის დაეხმარება ხალხს, თუ კი ნახავს, რომ ის დახმარებით თვითონ არაფერს არ წააგებს.

ამას გარდა ბაზრის ანგარიშის მცოდნე კაცებისაგან ვიცით ჩვენ, რომ ქალაქში ამ ჟამად პური ბლომათ არის, და მართლა ყველგან ხომ არ გაუფუჭებია კალიას ყანები, რომ ამისთანა სიძვირე და შიმშილი ჩამოვარდეს ჩვენში. მაგრამ ჩვენებური ვაჭრებისათვის ერთი რამ უბრალო მიზეზი არის საკმაო, რომ ერთი-ორად გააძვირონ თავიანთი საქონელი. ამათ დაუხვევიათ ახლა ხელზე, აქაო კალიამ პური გააფუჭაო, არსად არ მოსულაო, და აძვირებენ, აძვირებენ, თუმცა მაედანზე პური ბლომათ არის და ბლომათაც შემოდის.

ამის გამო ქალაქის ბამგეობა მოვალეა, რომ ამგვარ ვაჭრების, ამ ჩარჩების ოინებს მიაქციოს ყურადღება; მოვალეა, იზრუნოს, რამდენიმე კაცს არ ჩაუფდონ ხელში მთელი ქალაქის ხალხის ბედი.

თუ ამ ორ საქმეს: ხაზინიდან პურის გამოტანას და იაფ ფასად ღარიბებზე გაყიდვას და ჩარჩების ალაგმვას—მოახერხებს ქალაქის ბამგეობა, მაშინ, ჩვენ დარწმუნებული ვართ, ამ სამთარში შიმშილისა და სიძვირის აღარ უნდა ეშინოდეს ჩვენი ქალაქის ღარიბ-მუშა ხალხს..

ს. მ.



დღისი

\* \* \* შარშან სამთარში, როდესაც ომი-ანობის შემდეგ ამდენი ქვირე-ოხერი და გაჭირებული დარჩა, სხვათა შორის მთელისშიაც შესდგა კერძო საზოგადოება ამ „მეომართ გაჭირებულ ცოლ-შვილთა შესაწვევლად“. მუ არ ვცდებით, ამ საზოგადოების თავს-მჯდომარედ ამორჩეული იყო მაშინდელი შალაქის თავი პატრივცემული დ. ი. შიფიანი, იმის ამხანაგად უფ. მოღვაწევესი და საზოგადოების სეკრეტრად უფ. იხმანილოვი. საზოგადოება აგროვებდა ფულს თავის მიზნისათვის, წევრებს დაურიგეს დაბეჭდილი კრუქები და დავთრები და სხვა.

მას აქეთ ამ საზოგადოებისა სრულიად არა იხმის-რა. არსად არ შეეხვედოივარა ამ საზოგადოებისაგან გამოცემულ თავის მოქმედების ანგარიშსა—თუ რამდენი მოაგროვა იმან ფული და რამდენი დაურიგა მეომართა გაჭირებულ ოჯახებს თავის მიზნის აღსასრულელად.

ჩვენის აზრით, რიგი და წესი იყო, რომ საზოგადოების გამგეობას ანგარიში გამოეცხადებინა და შეეტყობებოთ თავის მოქმედება იმ პირთათვის, რომელთაც იმას ამ ქველ საქმეში ხელი მოუმართეს...

\* \* \* მაშეთს „ბაეკაში“ იწერებთან, რომ ამ ქამად ბათუმში შეკრებილან მსმალთს და რუსის დანდობილი პირები (დელეგატები) ამ ორ სახელმწიფოს შუა ახალი სამზღვრების გასაყვანად; საქმის დასაწყებად ტრაპიზონის ვალის (გუბერნატორს) მოეღანო.

ამავე გაზეთის კორრესპონდენტის სიტყვით, გურული მილიციონერების წყალობით აჭარისაკენ ქურდობა და აწახკობა მოისპოვო.

\* \* \* ჩვენ შევიტყეთ, რომ იმ ქუთაისელ კორრესპონდენტის დაწერას, რომელშიაც იქაურ „ურთიერთ კრედიტის ბანკის“ თაობაზედ სხდომა არის აღწერილი და რომელიც ხელ-მოწერილია „ქუთაისელი“, ისეთს პირებს აბრალებენ, რომელთაც ის არ დაუწერიათ. ამის გამო საჭიროთ ვრაცხთ გამოვაცხადოთ, რომ ავტორი ამ კორრესპონდენტისა არის უფ. ალესანდრე ი. შამრეკელი.

„დ რ მ ბ ა“ კორრესპონდენცია

ქუთაისი, 20 ოქტომბერს. 13 ამ თვეს ქუთაისის მაზრაში, სოფელს ოჯოლას, მოხდა ერთი ყურადღების ღირსი საქმე: აზნაურს მადეოზ მაქსიმეს ძეს იაშვილს, როდესაც ის ყოფილა აზნაურის ანტონ ძე მელბაქიანის ობლებს ეზოში, თავს დასხმია ამავე სოფლის მღვდელი მ. მასილ ნიკოლოზის ძე მელბაქიანი თავის სამი ვაჟითურთ და ერთი აზნაუ-

რის ნემსადის შემწეობით (ეს ნემსადე დისწული ყოფილა მღვდლისა); მელბაქიანები და ნემსადე დაიარაღებულნი ყოფილან ხმლებით, რევოლვერებით, ხანჯლებით და კეტებით. მღვდელს ხმალი ანაფორას ქვეშ ჰქონდა ამომალული.

პირველათ მღვდელს დაუკრავს იაშვილისთვის თავზე ხმალი და მძიმეთ დაუჭრა; შემდეგ მამის მაგალითის მიხედვით შეიღებსაც მიუყვიათ ხელი: რევოლვერი უსვრიათ, ხანჯლები დაუკრავთ და კეტებით უცემიათ.

მართს მკლავზე აქვს იაშვილს ჭრილობა (ამბობენ, რევოლვერის ტყვიისაგან არის), მეორე მკლავი გაჩენილი აქვს ცერიც გაჩენილი, თავზე, წინ შუბლს ზევით, ორს ალაგსა აქვს დაკრული კეტი, რისაგანაც თავი მეტათ ნაზიანები არის. სხვა ალაგას, სადაც კი დაუკრავსთ კეტები, მძიმე გალახულობა ატყვია. პირველათ, როდესაც მღვდელს დაუკრავს ხმალი, იაშვილი კადვე არ დაცემულა, დაუბრებია გაქცევა და გაქცეულა კიდევ; ამ დროს დაუძახნია მღვდელს შვილებისათვის: „არ გაუშვათ ცოცხალი მაგ ეშმაკი! მოჰკალით, მოჰკალით!“ ბაჰკიდებთან მას ყველანი და, სანამ ღობებზე გადახტებოდა, დასწევინ და ხანჯლის და კეტების ცემით დაუციათ...

იაშვილი, მეტათ დასუსტებული ბერი სისხლის დაღვრით და ცემით, უსულგულა ვადგებულა. ბოლოს, როგორც ყოფილა, ამოუღია ხმა და კნავილით უთქვამს მღვდლისათვის: „ხომ მოჰკალი შენის ხელით ეს არის და უზიარებელს მაინც ნუ დამაგდებო!“ ამის გამგონეს მღვდელს უთქვამს. „ბიდე ცოცხალა ეს ეშმაკი! ღაჰკარით მაგრათ, დაჰკარითო!“ ბიდე მოჰყოლიან ცემას და შემდეგ წასულან, დაუტოვებათ იაშვილი დაღვრილს სისხლში მკურავი. მართს ობოლს მოუწდომებია იმას დახმარებოდა და რაღაც ერთი გლახა ხანჯალი ჰკიდებია, ის, თუ არ ვიცი წალდი დაუკრავს მღვდლისათვის ხელებზე და ორს ალაგს ცოტათი დაუჭრია. ეს ყმაწვილიც გალახულა.

ამბობენ, იაშვილს ჰქონია ამ დროს სანადირო თოფი, საფანტით ვატენილი და მისთვის-რომ დაეფარა თავი მელბაქიანებისაგან, უსვრია მათთვის და ერთი მათგანი ვაკაწრულიაო.

ეს ამბავი დაუყოვნებლივ შეუტყობინებიათ პრისტავისათვის. პრისტავი წასულა მეორეს დღეს და შეუდგენია პროტოკოლი. ზამომეძიებელი და დოქტორი 18-ს წასულან სოფელს ოჯოლას, რომელიც მდებარეობს ქუთაისიდან თერამეტ-ცხრამეტი ვერსის სიშორეზე. ამ დროის განმავლობაში, სანამ გამომეძიებელი და დოქტორი წავიდოდნენ, მღვდელი და მისი შვილები ქუთაისში გამოქცეულან და უჩივლიათ, რომ იაშვილი თავზედ დაგვესხა, გვცემა და სიკვდილი დაგვიპირაო.

იაშვილი მძიმე დაჭრილია და მისი მორჩენა მეტათ საეჭოა.

ამ საქმის თაობაზე გამოძიება დაწყებულია და იმედი ვიქონიოთ, რომ სი-

ნდისიანი გამოკვლევა აღმოჩენს სიმართლეს. მხოლოდ ერთი უნდა მსთქნათ: ამისთანა შემთხვევებში საჭიროა, რომ მსწრაფლად და სასტიკად მოჰკიდონ ხელი გამოძიებას, თორემ მტყუნ მხარეს შეუძლია ისე მოაწყოს საქმე, რომ თავის თავი უმანკო მტრედათ გამოიყვანოს. მაშინდარა, რომ ამგვარ შემთხვევაში მხოლოდ რამდენიმე დღის შემდეგ მოუკიდნიათ ხელი გამოძიებისთვის.


მინაა მტყუნაი და ვინ მართალი ზემოხსენებული საქმეში,—ამის გარჩევა და გადაწყვეტა სასამართლოს წესია. მე კი ის მინდა მოგახსენოთ ამ წერილში, თუ იმ საზოგადოებას, საცა ეს საქმე მოხდა, და მახლობელ სხვა საზოგადოებაში როგორი შეხედულობა აქვთ იაშვილის და მელბაქიანების ურთიერთ შორის უკმაყოფილებაზე და რა მიზეზებს უჩვენებენ უმთავრესათ, რომლებზედაც ვითომ დამოკიდებულია ეს სისხლის ღვრა.

მადეოზ იაშვილი არის მკვიდრი დისწული მღვდლის ძე მელბაქიანისა. მკლები, რომლებს მზრუნველიც იაშვილია, არიან ძმისწულები მღვდლისა. მღვდლის ვაჟები, რომელთაც მოწაწილეობა ჰქონდათ ზემო ხსენებულ საქმეში, არიან აღზრდილი ქუთაისის სასულიერო სასწავლებელში. მართი იმათგანი მსახურობს იპერეთის სავაზრბიო კანცელიარიაში, მეორე გუბერნიის სამმართველოში და მესამე აზნაურობის ბანკში.

წელს ზაფხულში „დროებაში“ იყო დაბეჭდილი კორრესპონდენცია ვილაც „ვერმიცანიძის“, რომელშიაც ავტორი უჩვენებდა ბევრ ბოროტ-მოქმედებას მღვდლის მასილ ძე მელბაქიანისას ის კორრესპონდენცია ყოველს სიტყვაში თანახმა არის საზოგადო აზრისა თითქმის მიეღოს ოკრიბაში. მისაც უნდა ჰკითხო, თითქმის ყველანი, ვისაც ნათესაობა ან მოყვრობა არ უშლის, ყველანი გეტყვიან, იმას რასაც „ვერმიცანიძე“ ამბობდა. ამის დაწერა მღვდელს ძე მელბაქიანს დაუბრალებია იაშვილისათვის.

მღვდლის მასილ ძე მელბაქიანის მამა ყოფილა მღვდელი ნიკოლოზ ძე მელბაქიანი, რომელსაც ჰყოლია ორი ვაჟი—მასილი და ანტონი იმ დროსვე ყოფილა სოფელს შოგნარს მცხოვრები გლეხი პიკოლა ბელბაქიძე, რომელიც მოჯამაგირეთ ჰყოლია ერთს ამ მაზრის აზნაურს. ამ აზნაურის მოსამხურე ქალთან პიკოლას დაუჭერია საიდუმლო კავშირი და ამ კავშირის ნაყოფათ შეძენია ვაჟი ხოსიკა. მღვდელს ნიკოლოზ ძე მელბაქიანს პიკოლა ბელბაქიძის ვაჟი უჩვენებია თავის შვილათ („პიკოლას“ უძახიან „ნიკოლოზს“) და რადგან თვითონ აზნაური იყო, ჩაუწერინებია აზნაურების რიცხვში. ამ სახით პიკოლინი ნიკოლოზიანათ გადაცვლილა. ღარწმუნებით ამბობენ, რომ ეს კაცი სრულებითაც ნიკოლოზ მღვდლის შვილი არ არის; მის დედათ და მამათ უჩვენებენ სხვებს, და მღვდელს ნიკოლოზს თავის დღეში არ ჰყოლია შვილი ხოსიკა.

მღვდლის ნიკოლოზ ძე მელბაქიანის



ვაჟი ანტონ გარდაცვალებულია, და მისი ობლები მზრუნველია ახლა ზემორე ხსენებული იაშვილი. მეორე ვაჟი ნიკოლოზისა არის მღვდელი მასილი ძელბაქიანი, ესეც ზემორე ხსენებული. მასილი და ანტონ გაყოფილი ყოფილან, მაგრამ როდესაც ანტონი გარდაცვალებულა, მის ძმას მასილს (თავის სურვილით და განკარგულებით) მოუხვედია ხელი ობლებისთვის და მათი ქონებისთვის და შეუერთებია თავის ოჯახთან. შემდეგ ობლები წამოზრდილან და მოუთხოვიათ ბიძისაგან თავისი საკუთრება, ნახევარი მამა-პაპის სოფლებისა, მაგრამ ბიძას მასილს არ მიუცია.

თადეოზ იაშვილს, როგორც მზრუნველს, მხურვალე მონაწილეობა მიუღია ობლების საქმეში და მისი მეცადინეობით ობლები გადასულან ცალკე ეზოში. მღვდელს ვასილს ჯერ კიდევ ვათავებულნი არ ჰქონია ობლებთან ანგარიში ამ უკანასკნელებს ეუბნება თურმე, რომ ნახევარი კი არა, მესამედი გერგებათო; მე მესამე ძმა მყავსო (უჩვენებს ბელბაქიძეზე) და იმისაგან ნაყიდი მაქვს მისი ნაწილიო, აი ნაყიდობაცაო.

ობლების მზრუნველი ჰცდილობდა თურმე გამოეშკარებებია საიდუმლოება, რომლითაც ბელბაქიძე ძელბაქიანათ გადაქცეულა, რომ ამ სახით დამტკიცებია ბელბაქიძის უძელბაქიანობა და ობლების სიმართლე. ამ მიზეზის გამო მღვდელი მასილ ძელბაქიანი მეტათ გადამტერებია იაშვილს და ბევრი ამბობს ამ ბოლოს დროს სიკვდილს ექადდაო.

თადეოზ იაშვილს თვე-ნახევარია, რაც ცოლი შეურთავს. ამ ქალის შერთვა ჰსურვებია მასილ მღვდლის ვაჟს (უნდა იქონიოთ სახეში, ქალი მზითვიანი იყო). ძალი წაჰყოლია იაშვილს და ძელბაქიანი მიუტოვებია რიყეზე. მს გარემოება დაჰმატებია სხვებს და კიდევ უფრო გაუზრანებია, როგორც თვითონ გარიყული სასიძო, აგრეთვე მამა მისი. მღებარე რიყესა ზედა სასიძო, შეპყრობილი სიყვარულისაგან, ამბობს თურმე ჩემ-ჩემათ (სულელი კი არაა გამომედიებელთანა ჰსთქვას): „ხომ ამოვიყარე იაშვილზე ჯავრო! იმას ეგონა, რომ ჩემს ლუკმას უჩხებრათ დევანებდნო!“

აი რას ჰფიქრობენ და რას ამბობენ. მე არაფერი შემითხზავს, ნურას უკაცრავად!

მინმე ოკრიბელი.

# საბაასო

პასუხი უფ. იოსებ ხელაძეს

თქვენს პატივცემულ გაზეთში, უფ. რედაქტორო, № მე-138-ში დაბეჭდილი იყო შესახებ ჩემდამო სტატია; ავტორი, როგორც თვით წერილის ქვეშ აწერია, არის ჩემი ნაშეგირდელი (იგივე სტამბის მმართველი) იოსებ ხელაძე. მს წერილი არის აღესილი ისეთის უსაფუძვლო და

უსირცხვილო ტყუილებით, რომ არ შეიძლება და მე, როგორც სიმართლის მქონე, არ ავლელეებე. ბუნებით კაცის გულის თვისება ისეთია, რომ იგი ყოველთვის მაშინ უფრო ღელავს და ჯავრდება, როცა ცილს სდებენ მას; დამნაშავე კაცი არას დროს ისე არ შეწყნდება, როდესაც იმის უკანონობას გამოაშკარავენ, როგორც სიმართლის მქონე. მეც ასე მომივიდა: ნათქვამმა უსაფუძვლო და სიცრუით აღვსილმა წერილმა საშინლად ამაღელვა.

ამისთვის წაკითხვისათნავე გარდავსწყვიტე მართლ-მსაჯულებისათვის მიმეცა ხელში ჩემი ნაშეგირდები და ჩემი გალანძღვისათვის და ცილის-წამებისთვის განესაჯა მას და მართლაც განვაცხადე სასამართლოში ყოველივე. აქ საქმე მიდიოდა თავის რიგზედ, მაგრამ ამ უკანასკნელს დროს რამოდენიმე პატივსაცემმა პირმა მთხოვეს არ მიმეხედა ჩემი ნაშეგირდლის სიყრმავილის წინდაუხედველის მოქმედებისთვის და მომესპო საჩივარი. მეც უსმინე ამათ თხოვნას და მოვსპვეი საჩივარი. მაგრამ იოსებ ხელაძე ისე ახლოს მეხება მე თავის წერილში, რომ არ შემიძლია არიოდეს სიტყვა არა ესთქვა ტექმარტების აღსადგენად.

იოსებ ხელაძე ამბობს: „უფ. მქეთიმე ხელაძე დღე-დღეზედ პარაპეტას ემზავსება, საანგარიშო ჩოთქი სულ გაცვეთილი აქვს; მაგრამ მუშა კაცის მინუტების ანგარიშობა და ლუკმა-პურის აწონა არა მგონია კაცური ანგარიში იყოს... ძიღვე ცოტა ქვევით: „მაგრამ ის დალოცვილი თუ თავისას ნაღდათ წამ-წამზედ და მინუტს-მინუტზედ ანგარიშობს, რა უშავს საათობით მუშა ხალხის მაინც იანგარიშოს...“

პირველად უნდა ვკითხო იოსებ ხელაძეს, რითი ემზავსება მე პარაპეტას და რისთვის მაქვს გაცვეთილი საანგარიშო ჩოთქი! იქნება იმისთვის მაღარებს პარაპეტას და მწამებს ჩოთქის გაცვეთას, რომ სტამბის შემოსავლის და გასავლის ანგარიშს ჩამოვართმევდი იმას, ჩემს გარეთ მყოფობას დროს? მაინცა-და-მაინც ანგარიშის ჩამორთმევა პრიკაშიკისა არა მგონია დასაზრანისი იყოს.


მეორე, ჩემო გაზდილო, მაგრამ გამოუდგარო იოსებ, თუ რომ მე მისხლობით პურს გიწონიდი, დათხოვნის შემდეგ, რომ ბურიიღვან ჩამოხვედი, რისთვის-ღა მთხოვდი მიღებას უფ. ანთიმოზ და დავით ჯუღელეების პირით? ბანა მაგისტანა კაცს აღარ ერიდებია? მაშინ ხომ ყველა სტამბებში ადგილის შოვნა შეგეძლო. ბეტყობა შენი კარგი კაცობისათვის აღარ მიგიღე.

მესამე, როდის ვიანგარიშე მე მინუტები შენზე ანუ სხვაზე? რატომ არა გრცხვენოდა მაგ სტრიქონის წერის დროს, დღეები მაინცა გეთქო. ამის პასუხს ვსთხოვე იმათ, ვინც ჩემთან იყვნენ ბურიიღვან ჩამოყვანილები, რომელნიც სხვაგან მუშაობენ ესლა, (მე არ ვასახელებ იმათ, ვინც დღეს ჩემს სტამბაში მუშაობს, მით უმეტეს, რომ იქნება

თქვას მკითხველმა, რომ თავის მუშახალხს, როგორც უნდა მზრუნველობას ხაზიანიო): პატრონ-მეგობრე, დამიტრი ძიღადე, ბიორგი მახარადე და მარკოზ ხელაძე. ძალადვე ვსთხოვე ამათ დაძაველონ და დაურიდებლად მომცენ პასუხი, ვინ იყო ესე იძულებული ჩემგან.

ამას გარდა ამბობს, რომ ვითომ მუშები სულ ბურიიღვან მყავდეს ჩამოყვანილი და ისე ვატრიილებდე ყველას როგორც მე მსურდეს. მითომ თუ ვინმემ ან ჯამაგირის, ან პურის მომატებაზედ რამე გამიბედა, ან ვითომ გავლანძღავ და ან ცემით მოვკლავ. ამავებზე ვკითხავ შემდეგს იოსებ ხელაძეს: ნიკოზარიძე, სოლომონ მქროცვარიძე, ივანე ძალატოზოვი, ძოსტანტანე ბერძენოვი, ნიკო მქროცვარიძე და სხვები გურულები იყვნენ თუ მთილისელები? ვინ მთხოვა ჯამაგირის მომატება, ნაცვლად ჯამაგირის მომატებისა ვისა ვსცემე და ან გავლანძღე?

მესამე, ვითომც მე, როცა მუშა ხალხი მომიხდებია სტამბაში, მაშინვე ბურისისავე გავექანებო ხოლმე და ვითომც იქიდან მოტყუილებით მომყავს ბიჭები.—მს თვითონ თქვენვე წარმოადგილიეთ, უ. რედაქტორო, როცა სტამბეჭტავს და ამომწყობლებს საჭიროებს. მაშინ რათ უნდა უსწავლელი ხამი ხალხი? ხუთ-ექვს თვეს ზარალის მეტს სარგვსლობას ხომ ვერას მოუტანს სტამბას. შემ ხომ აღვსილხარ სიცრუით, ჩემო იოსებ და აღარა დაგეჯერებარა, და წრებზედ გადასულხარ; მხოლოდ მე თანხანმა ვარ იმ პირებისა, რომელნიც ჩემი ნაშეგირდელი არიან და სხვა სტამბებში მუშაობენ, ანუ ჩემს სტამბაში გამოაცხადონ დაურიდებლად ვინ მოვატყუილე მე და ან ვის დაუჭირე ჯამაგირი, ამისი პასუხი ყველას შეუძლიან. ანა და ჩემო ერთგულო იოსებ! შენ ვინ მოგატყუილა და ვინ ჩამოგიყვანა მთილისში? შენ არ იყავი, რომ 1877 წელს მასში მომადექი მთილისში ვაჭირებული და მთხოვე შემწეობა სტამბაში მიმიღეო, მე რა ბანკირი ვიყავი, შემწეობა მომეცა, მაგრამ შეძლების-და-გვარად არ დავიშურე მე მაშინვე ვარი გითხარი, რადგანაც შეგირდებიღვან შეიწროებული ვიყავი და ადგილიც არა მქონდა; რა გითხარი მე მაშინ, ვირჩიე თუ არა, სამასწავლებლო სემინარიაში შესულიყავი და მე რაც შეგეძლო შემწეობა აღგიოქვი? ბითხარი თუ არა, სხვა საქმეზედ თვალ-ყურა გეჭიროს, მანამ ჩემთან სტამბე პური-მეთქი? შენ რა მითხარი ამ სიტყვებზედ, მოიგონე ისიც; —შენ რას ლაპარაკობ სხვაზედ, მაგალითებო: თუ შენთან ვატყუევი მე, სხვასთანაც ვიმტყუნებ. და მემრე რომ აღარ მომშორდი, ექვსი თუმანი პირველ წელიწადში მოგეცი, სრული ჩემი სასმელსაჭმლი და ჩაცმა-დანურეთ, სამი თუმანიც კიდევ გაჩუქე; მეორე წელიწადს თორმეტი თუმანი მოგეცი ჩემი სასმელსაჭმელით და ოთხი თუმანიც გაჩუქე და ამ ორი წლის განმავლობაში ხელო =



ბაც ისწავლე; ეს იქნება აღარც განსოვ-  
დეს როგორც სხვა კეთილი მიქნია  
შენთვის, მაგრამ ამისი მოწამე არის  
უ.უ. ანთიმოზ, ღვეთ ჯუღლეობი, მამ-  
ვეთის ეკლესიის პრეზიდენტი ბიორგი  
ზალიკანოვი და ჩემი სტამბის ხალხმა  
ყველამ იციან, როცა დაგიბოძო და  
ამ ხალხთან გაგისწორდი, ხომ სტანი  
მაშინ ყველა მიღებულა.

ქვემოთ ხელაძე.

(დასასრული შემდეგში)

### განცხადებანი

**ყმაწვილი კაცი** ამხადებს ბავშვებს  
პირველ და მეორე კლასისთვის. მსურ-  
ველს შეუძლია თვისი ადრესი დასტო-  
ვოს „დროების“ რედაქციაში.

(5—3)

ამ დღეებში გამოვა ვოდევილი  
„**მოდრი და მნდომი ძალა!**“

თხზულება მ. ზ. ჯორჯაძისა.

(5—1)

ამ შაბათს, 27 ოქტომბერს, ძველის  
სამეურნეო საზოგადოების სადგომში  
იქნება **ხილის გამოფენა** უფ. ბუშეკის  
ძამბილის (ვლადიკავკასიის მახლობლად)  
ფერმისა. უფ. ბუშეკმა რამდენჯერმე  
გამოფენა ქ. ვლადიკავკასიაში თავის ბა-  
ღის ხილი და ამ ხილის გემოს, სიდიდეს  
და სილამაზეს ხსენებულმა ქალაქმა მი-  
აქცია ჯეროვანი ყურადღება.

სასურველია, რომ თფილისის ახლო-  
მახლო ბაღების მებატონეებმაც ისარ-

გებლონ ამ შემთხვევით და გამოაფინონ  
აგრეთვე სამეურნეო საზოგად. სადგომში  
თავიანთი ბაღის ხილიც. სამეურნეო  
საზოგადოება თავის მხრით რაც შეიძ-  
ლება შემწვობას მისცემს აქაურ ძებალე-  
ებს, რომელნიც ისურვებენ ხილის გა-  
მოფენას.

ვისაც ჰსურს გამოფენაში მონაწილე-  
ობის მიღება, ვსთხოვთ მიმართონ სა-  
ზოგადოებაში და თვით გამოსაფენი  
ხილი 26 ოქტომბრამდინ უნდა წარმო-  
ადგინონ. გამოგზავნილს ხილზე უნდა  
იყოს მიკრული ქაღალდი (ეტეკეტი) და  
ზედ ეწეროს თუ რა გვარი ხილია ეს  
ხილი და რა ჰქვია იმას სახელად.

(3—1)

#### გ. ჩარკვიანის

ქართული წიგნის მაღაზიაში,  
ძაშვეთის ეკლესიის შენობაში, № 1 და 2  
**იხილება შემდეგი ახალი ქართული  
წიგნები:**

**თეალ-სახინო სწავლა** ახლოდ  
შეარტულის ყმაწვილებისათვის სახალხო  
შკოლებში. შედგენილი მიხ. ჭიჭინაძი-  
საგან—ფასი 40 კაპ.

**ბანჯგელიანი ფუტკარი-**  
თხ. პეენარიუსისა ნათარ. აღ. აბაზა-  
ძესაგან—ფასი 15 კაპ.

**ბლახის ნამბობი** მოთხრობა  
ილია ჭავჭავაძისა. გამ. არ. საფაროვი-  
საგან ფასი 25 კ.

**რამდენიმე სურათი** ყახა-  
ლის ცხოვრები დამ პოემა ილია  
ჭავჭავაძისა გადმობეჭ. ჟურნ. „ივერი-  
რდგან“ ფასი 10 კაპ.

**ცოლი თუ გინდა ეს არის,**  
ვოდევილი მასილ აბაშიძისა ფასი 10 კ.  
და სხვა-და-სხვა ქართული წიგნები.

Въ Тифлисъ. Книжный магазинъ  
Григорія Чарквіани въ зданіи Каш-  
ветской церкви, № 1 и 2.

**თფილისის ძალაძის გამგეობისაგან  
ძალაძის გამგეობა** უცხადებს ტრაქ-

ტირებისა, ხარშოენიკებისა და პასტაია-  
ლი დეორების პატრუნიკებისა და  
ნახმად ტრაქტირებისა. **შედეგისა** 17  
მუხლისა, ისინი ვალდებული არიან ამ  
ოქტომბრის (დენობისთვის) განმავალო-  
ბაში შემოიტანონ ძალაძის გამგეობაში  
ხვედრი ფული და მიიღონ ვაჭრობის  
უფლებისათვის ჯეროვანი მოწმობა  
1880 წლისათვის. ვინც ამ მოთხოვნი-  
ლებას არ ასრულებს, იმათ ტრაქტი-  
რებსა, ხარშოენიკებსა და პასტაიალი  
დეორებს უპრავა უეჭველად მოძაველი  
1880 წლის 1 იანვარს დაკეტავს.

### ლეღანი

(პროპისი) სურათებით

შედ. ან. ჯუღელისაგან

გამოვიდა და ისყიდება შემდეგ ადგი-  
ლებში:

**თბილისს:** ჩარკვიანის, მართანო-  
ვის და ბრიჭუროვის წიგნის მაღაზიებში,  
**ქუთაისს:** სასულიერო სასწავლე-  
ბელში და ანტ. ლორთქიფანიძის ბიბ-  
ლიოთეკაში,

**სამეგრელოში:** სასულიერო სას-  
წავლებელში დ. სუჯუნას მოფურძის  
ლუქანში და აბაშაში უფ. ანტ. ძეკე-  
ლიასთან შკოლაში,

**მზურგეთს:** სასულიერო სასწავ-  
ლებელში,

**ხონოში:** უფ. ჭალაგანიძესთან,  
**ბორს:** სასულიერო სასწავლებელ-  
ში,

**თელავს:** სასულიერო სასწავლე-  
ბელში და ხირსელოვის წიგნის მაღა-  
ზიაში,

**სიღნაღს:** უფ. ძ. ბალაშვილთან.  
შასი ერთის ეგზემპლიარისა აბაზი.

რბ. გზბ.	ლილა.	საღამ.	II კ.	III კ.	ტელეგრაფი	მან კაპ.	მაზანდა	მან კაპ.	თფილისის სამაჟსრნალო.
თფილისი ..	9 21	5 18	კაპ. 8	კაპ. 2	მცხეთის აქთა მხრის ყველა		თფილისი 9 ოქტომბ.		პრეფ. მიღ., წინამძღვაროვ. სახლი.
მცხეთა ..	10 11	6 27	85	44	ქალაქებში ..	50	უქვ. თფ. ბანჯისა ფუთ.	2 55	აგათმყოფებს მიიღებენ ყოველ
ბორი ..	11 58	9 43	3	1 53	როსტოვს, მდესას, მოსკოვს,	2	უქვ. წითელი ..	2 20	დღე დილის 8 საათამ 10-დინ.
ხაშური ..	1 29	11 57	4 73	2 42	პეტერბურღს, პარზავს ..	2	ჭერი ფუთი ..	1 40	მ. რ. შ. ა. ბ. ა. თ. ს. წიცივი და
სურამი ..	1 44		4 90	2 61	პეტერბურღს, პარზავს ..	2	ბაბა პრეფენისა, ფუთი.	8 65	მარადევინი—შინაგ. აგათმყოფობის.
შერვილა ..	5 49		7 21	3 69	მსხალეთში, შვეიცარიაში ..	3	— ამერიკისა, ფუთი ..	9 30	სამშაბათს: პერმიშევი შინაგ.
ჩორონი ..	6 57		8 44	4 31	იტალიაში და საფრანგეთში ..	3 50	ბაენტილი ბაბა ფუთი.	11 70	აგათმყოფ.; რეიბი—თვალის, შურაგ-
სამტრედია ..	7 51		9 66	4 93	ინგლისში ..	3 75	მატელი თუშური ფუთი.	8 20	ლევი—ვენერიულის, და კანისა; ბა-
აბალ-სენაკი	8 43		10 71	5 47	<b>უოკბა</b>		— თრაქამისა ფუთი ..	3 70	ბოვი—გულისა და შინაგ.
ფოთი ..	9 50		12 24	6 26	ა) თფილისიდან: სამზღვარ გარეთ,		აბრეშუმი ნუხური სტ.	2 10	მ. თ. შ. ა. ბ. ა. თ. ს. წიცივი—ში-
ფოთი ..	9 3				რეთ, მუთისის, რუსეთს—ყოველ		ჭონი ფუთი ..	5 80	ნაგ, ასტუა-ცატუროვი—ქალისა და
აბალ-სენაკი	10 14		1 53	78	დღე კვირას გარდა. ზუგდ. ორშ. და		ჭონის სანთელი ფუთი.	7 60	ბავშვების აგათმყოფ.
სამტრედია ..	11 5		2 61	1 33	სუთშ. მზურ.—პარასკ. და ორშ. ძა-		სტეარინის სანთელი ფ.	11 65	ხუთშაბათს: პერმიშევი—ში-
ჩორონი ..	12 13		3 84	1 97	ხეთს—სამშ. და შაბ. ბ) მუთარი-		ხორცი ძოროხისა დიტრა		ნაგ. აგათმყოფ. და შურაგლევი—კანის
შერვილა ..	1 18	ლაშე.	5 3	2 56	სილამ: თფილისისა და ფოთისაკენ—		— ცხვრისა, ლიტრა ..		და ვენერიულის.
სურამი ..	5 12		1 10 7 34	3 74	ყოველ დღე კვირას გარდა. მზურ-		საბრტი ვედრო ..	4 50	პარასკევეს იქნებია: წიცი-
ხაშური ..	5 39		1 37 7 51	3 84	გეთს—ორშ. და პარასკ.		შაქარი ბროც. ფუთ ..	7 25	ვივი, შინაგ.; ასტუა-ცატუროვი—ვე-
ბორი ..	7 5		4 8 9 24	4 73	წიგნის გაგზავნა რუსეთში	კაპ	— ფხენილი ფუთი ..	5 70	ნერ. და კანის; ბაბავეი—გულისა და
მცხეთა ..	8 50		6 59 11 39	5 82	და სამზღვარ გარეთ:		შავა რევალი გრვ. ..	65	შინაგ. აგათმყოფ.
თფილისი ..	9 31		7 56 12 24	6 26	ლა წიგნის ..	3	ზეთი ქუნჯუთისა ფუთი.	14	შაბათს: პერმიშევი, შინაგ.; შურ-
					დაპეტლიის (სამი მისხალი) ..	7	თამბაქო საშუალო ფთ.	6 70	ავდევი.—ვენერ. და კანის რეიბი—
									თვალის.